



紹述先生詩集

五

16  
2124  
25





和16信  
2/24  
25

紹述先生文集卷之二十五

詩集卷之五

七言律詩

贈今邨義準歸伊豫丁亥

京洛烟花多壞土，唯看辛苦誦斯文。光高一劍斗間，彩影遠孤帆島上，雲事業應須垂不朽，姓名豈忍付無聞。而今古道稀人和，赤幟憑君張漢軍。

詣村上冬嶺翁墓詩并序

予昔卅角時有肩輿而造門者，肩輿言徐頹然坐于中堂與先君子叙舊晤語移日暫而



男善韶 校



出腰扇觀之扇面有小楷數行今尚依稀記  
 得漫興十絕也予時稍知屬詩翁索而觀之  
 吟弄數四勸予成立既歸而問之先君子曰  
 彼村上友佳翁今之博雅聞人也其後不復  
 屢造既而翁退休與先君子及諸文儒頻  
 會集賦詩讀書予每與焉尤善詩有新詩每  
 必題扇頭少有不穩字與諸人評推接濕紙  
 楷去更填好字又與北村篤所氏諸人會讀  
 二十一史月率六日不避寒暑伏牖其耽學  
 亦厚矣至宋史之半而翁沒年八十二寶永  
 乙酉八月二十九日也予時遭大故心情恍  
 惚不能奔葬今茲詣墓奠以一律蓋夙好也

冬嶺退休亦幾時春花秋月屢追隨丹鉛手倦滿床  
 卷煨煉眼穿千首詩父執交遊君最親官途功勞世  
 共知車公在坐人常樂追憶悽愴一片碑

吏部郎中清公壽尊府金紫光祿大夫六袞蒙

徵賀詩曰呈一律十二月二日

華甲一週開壽筵賓朋滿座簇貂蟬共歌周雅九如  
 頌又述箕疇五福篇奕葉經帷傳祖業三清仙錄占  
 遐年家庭有誨詩書富將見即君克象賢

森下氏二子見招席上和北村篤所子韻寶永丁亥

臆月六日英衡二弟及希明宗函到

不習人間豪侈態二難令譽可差肩瓶中梅朵將春  
 意屋角雪花初臆天有酒有詩半宵話于晨于夕百  
 家編春秋尚富須相勸莫使悲傷在暮年

塵戊子



洛陽三月鬪芳菲，爭奈遊人浣素衣。客舍朝來遭雨，  
浥午窻影裡和烟，微人稀榻上長，相委歌罷空梁落。  
更飛城市山林，隨處是斯生避避，復何歸。

遊西三伯鑿宗宅

九衢塵裡卜清幽，不用苦登黃鶴樓。松竹陰深成野，  
趣盃盤興逸，當山遊暖風甘雨三春，半舊伴新朋。  
日休千載杜陵嘗解道對君疑，是泛虛舟。

奉和德山毛利侯

元次 觀宗道中高韻

士峯杳杳路三千，藩服觀宗方。是年怒馬鮮衣，傍碧  
海高牙大纛，接蒼天穿波燈火賣魚艇臨岸，招牌沾

酒酈看盡須磨明石勝一篇珠玉感情全

紀事

寶永戊子三月八日午後左京姊小路油小路小  
路民家伊勢屋失火西南風甚既而俄北又  
東南限蛸藥師街北及今出川塔壇西到油  
小路街東盡人家皆為焦土 禁裏 仙洞  
東宮燬其餘王公卿士宅九十五區社七所  
佛寺六十餘宇民戶四百七十七町壹万三百  
余區燒亡傷死十一人自高望之火道凡二  
十許所云及明九日未時凡十三時而熄予  
時携弟長英調毛利侯于大坂八日夕訪一  
友本町橋上望東北有火氣既到友人家有  
逸報相知十日且歸家燹宅無故累重安健  
詩以紀之曰考近世京師火災應仁之亂宮  
省民戶蕩為煨燼故籍遺文多就燔滅其後  
兵革草擾不復能國慶元以後民物富庶邸  
舍日華服玩日積延寶癸丑乙卯之歲大內  
再火及民廬舍未及是歲之災之甚蓋應仁



以來之  
一秦也

三月祝融威氣甚，炎官熱屬競驅人。  
長安萬戶半焦土，上界三宮忽墜塵。  
物價遽翔民用窘，人心未帖詔言頻。  
百年積蓄一時燼，奮觀何時復見新。

秋興

書劍十年無狀甚，乾坤何處著羔裘。  
星河影動天衢近，鐘磬聲寒岳寺秋。  
解道食魚懷建業，誰能騎鶴下揚州。  
長江滾滾人俱老，綠酒一樽月上樓。

戊子中元夜掘河之畔與一二同志設榻納涼  
節到中元暑未收，河湄一榻暫相休。  
遊人城市紛如

織明月水波湛，不流千里海山同。  
是夜兩街燈火照，新秋誰揮西日及三舍。  
枉把行藏附倚樓。

八月十四夜里村昌憶法眼亭賞月

時京師火後寓于朱雀街北村可昌掘正  
修到携品川希明股延明及弟長準往

月色佳時那待滿，是亭况又面東南。  
地偏樹竹助清趣，山近軒楹挹翠嵐。  
翰墨場中無別話，梅檀林外好同參。  
弄花翁後舊衣鉢，尚見遺書三函。

默堂丈人席上 九月廿三日長敷  
宗函長準知幾到

素飲東道不時流，幸遇今年在告休。  
綠酒清歡非一日，青燈深語又三秋。  
叢篁依砌行行盡，殘菊滿甌片片



片浮日夜街頭人擾擾誰知這裡占閑遊

秋郊觸目

落日平郊樹影斜池塘水涸了鳴蛙棘籬短處未黃  
菊瓜地收時尚紫茄幽島竹深來好鳥暮林州暗著  
奇花偶沿熟路尋佳寺導僧迎客整袈裟

兩森芳洲詞宗久宦于對州今茲上都有淀川

舟中作目次韵以叙久别之情云己丑

蒼波萬里託孤舟初到都門過麥秋利用嘗藏貫道  
器抒懷何借釣詩鈎三韓風物他鄉夢二島雲烟遊  
子愁契闊多年唯自愧守株尚未了箕裘

次木下侯韻

戊子之歲京城火官令諸侯修官新宮置小  
營于鴨河東脩之葺守木下侯寔與其後麾  
下之士時來于宅示侯新年高作蒙微和章  
恭次巖韻云齊桓公使高子帥南陽之甲  
城魯魯人以為美  
譚事見公羊傳

宮城經始子來時竹落斜連鴨水涯遙隔山陽雲擾  
擾方看京洛柳枝枝黃堂且聽絃歌響彩筆不須斧  
鑿施當日南陽尚相記美譚千古本無私

泉州道中寶永己丑

方是木綿花發時平田行盡遠懸崖怪巖古木行行  
是重嶂危峯曲曲奇誰寫一丘皆入畫忽逢半壁亦



蘇東坡先生詩集 卷之二十五 題白雲寺  
堪詩却疑雲樹最深處逢著羽人採紫芝

題白雲寺

白雲深處白雲寺磴道盤紆入碧空仰見樓臺超象  
外遙聞鷄犬在雲中前溪水漲知經雨老樹陰涼不  
待風一十六州歸眼界却疑身坐上珠宮

新年作 庚寅

豈要掃龜求卜屋輪蹄稀處是吾廬梁鴻自愧曰人  
熱趙括徒知讀父書金縷報春歸岸柳紺芽侵雪長  
園蔬寫文時遇稱心筆不博人間七寶車

東川子城東新宅

父執卅年意最真短書驅我賞芳辰  
明窗臨水宜披卷小築依山非畏人  
厚地高天人幾許游雲野草眼  
還新董君蹤跡遠城市領取東臯花木春

春日雨中

家無聽事堪旋馬門有清泉可濯纓  
好樹當窗常輸綠異禽馴砌不知名  
一場春夢涵花影六尺藤牀濕  
雨聲不信長安城裏住過牆蜂蝶自柴荆

偶題

詩情撩我倚欄干綠竹風前三四竿  
紙上虛傳舊得失人間日換新悲歡  
九原士會誰能作千載子雲遇



最難始識接輿非達者爭如穩臥強加餐

贈大町正淳老丈東行

緣何慰子遠遊情黃鳥菜花春服輕驛樹迎人無意  
緒層峯倚雪自分明池中難作蛟龍變林下何憂猿  
鶴驚聞說東方今有道飛騰不日卜此行

應平井春澤丈之招遊伏見賞桃花

三月十五日與北村  
大同到遇雨而歸

大湖一派接天湧鷄黍相追此問津喬木孤村連翠  
靄絳桃千樹簇芳塵霸功何日英雄盡故壘經春艸  
木新遠近紅霞迷出處箇中恐有避秦人

三月廿五日同遊雙林寺僧舍

漠漠紅塵逐馬飛問花尋柳扣山扉幡幢影裡數峯  
出松檜陰中一徑微匣底青萍聊復爾床頭黃卷是  
耶非平原十日不辭醉又倒接羅對落暉

僧房避暑

偶來一榻遠公房萬竹參天六月涼深洞泉甘嘗玉  
液香厨味美想瓊霜蓮花漏報松陰轉心字香淺篆  
縷長不信城中塵十丈葛衣當暑汗如漿

夏夜緒方老人宅小集次韻

六月廿二日

嘗把詩書代釣耕豈將奔走買名聲飛軒風入自三



蘇東坡詩集 卷之二十五 七 古義堂藏

面高樹月升初二更在翰墨中長是樂栽花木外百  
無營相逢之處非生客一夜燈前俱眼明

秋夜紀懷

擬著潛夫草未成湯唸梁父想高情新涼一掬稻花  
雨泚事十年梧葉聲雙轂行天何肯住二毛欺我不  
期生小虫無數撲燈滅又把殘書就月明

初秋遊松谷子城東別業同賦

七月廿四日  
携長隼到

補陀寺側趁新涼地接小松平氏莊流水行人無盡  
日歸雲獨鳥幾斜陽腐儒蹭蹬舌三寸夸者經營夢  
一場那若清泉竒石畔淺深随意醉秋堂

愁

何地可埋何處避深如滄海固如城江山極目雲千  
里燈火照顏宵幾更迹入菱花玄忽白根和芳艸掃  
還生檀公竒策三十六只有青州取援兵

八月十五夜會緒方老丈宅

幾歲周旋人擾擾今宵邂逅鬢蒼蒼清風戶牖竹先  
動濁酒盃盤興更長底事陰晴還首鼠却教詩句轉  
亾羊心朋相聚不相讓何覓苦登天柱望

夏夜緒方老人宅小集次主人韻

人生要足何時了達者從來說即休出則必與非所

名述先生文集 卷之二十五 八 古義堂藏



願居纔容膝亦何愁新詩過眼記旋失妙句關心苦  
巨酬賞盡奇花兼好鳥且看天際火西流

贈隱者

一褐一裘自在身團瓢只與白雲隣何知朝市年年  
變鎮見岩花日日新明月常依戀酒客青山不引愛  
錢人雖有高蹤堪仰止果哉誰是寄斯民

尋梅

印盡蒼苔履齒痕山園仍舊月黃昏暗香最好臨風  
立隊萼偏宜和雪餐只取幽蘭做知己合將孤竹共  
鄉邨自無艷質可凡目却惱騷人今古魂

庚寅十月廿五日伏見林景范宅觀琉球貢使

過琉球國中王尚益使美里王子尚紀豐見城王子向祐等來聘賀

遠自中山修職貢豐城美里寔來賓海波不隔越裳  
譯夷俗仍看椎髻民隻手握蛇槍樣怪絳衣操樂土  
風新方今聲教朔南暨應有二連至孝人

壽信州清水隆閑良醫六表

青囊多歲壽斯民思邈高蹤脫世塵深雪偏添梅氣  
力淒風更見竹精神良工衆共嘆無比主器君今幸  
有人甲子一週初過了仙苑自此幾回春

和源長州山居



尖頭屋倚萬山幽竹几蒲團住即休蘿薜不延冠蓋  
客庭階自任鹿麝遊斷橋依石分嵐翠脩篔簹巖引  
澗流斷得黃精和土擔歸來嶺上白雲愁

庚寅十一月十一日拜觀

登極儀

惟辟龍飛歲在寅承明觀關旭霞新衣冠猶見開元  
禮儀衛重逢大寶春扇影徐迴四聰返佩聲初動九  
門晨宣麻三段德音遍自幸惟星拱北辰

數原宗達大醫今茲九月十三日丁六表初度  
之辰予未蒙識荆曰一友人蒙徵壽詞題菊壽

客仍述近體一篇當賀詞云

花甲週時初度筵樽前佳色競嬋娟芳聲未遂識荆  
面絲軸先呈賦菊篇聞說南陽宜養老且期東道伴  
飛仙壯遊何日携書劍容靜齋中窺秘編

庚寅歲晚作

深雪寒燈頭種種丹鉛未遍歲將除誰言賈誼懷奇  
策畢竟虞卿好著書倦羽風枝棲不定小梅月地發  
還疎今年十口堪支臘樽有新醅盤有蔬  
三百六旬忙裏回烏髭無缺畫爐灰梅花深雪好  
在月影寒窓佳句來到手奇書新活計轉頭春事舊



塵埃功名歲月不相待今古清樽幾為開

春行寄興 辛卯

幾歲深沉草太玄是時政好放吟鞭千金索價帚雖  
敝一割有時刀豈鉛青葉紅花新州木遊人啼鳥舊  
山川流行坎止皆隨值何問無懷與葛天  
日日春遊不須友漸聞林澗變鳴禽奇峯無路薄雲  
住一塢有花蕭寺深獨步倦來臨綠水相逢誰復携  
瑤琴小詩妨道古人說爭奈天機動野吟  
穀雨未乾獨掩關朝來庭樹聽綿蠻高人有句多言  
酒騷客無情不在山燕子菜花春看晚孤雲流水意

但閑出門來往人如蟻誰復姓名託不刪

新柳

春風春雨故隋城千柳夾堤看向榮楊氏愁來眉未  
展小蠻舞罷體猶輕舟堪繫處波初暖鴉欲藏時烟  
漸生誰念般遊纜一日年年記起乱王名

贈瀨尾生從朴所公東行

星軺是日向東州聞說攀鱗接勝流蒼島白波風浩  
蕩山花野鳥思綢繆雙鞋不為利名走千里唯供詩  
酒謀富士從來無絕作開顏應待子來遊  
首夏偶作次韻酬謝緒方老丈之見寄



情真投我一篇詩氣格老成人共知且看庭階生玉樹  
向來几席擬瑤池禽聲喜在鄜中聽山色偏從雨  
後宜莫為春歸廢觴詠園林隨日綠如帷

溪山小隱

幾歲溪山深處住藤蘿四面石成肩嶽僧來報焙茶  
訣村僮偷窺相鶴經烟艇和鐘歸每晚花亭臥月醉  
初醒平生豪氣未全挫匣裏騰蛇三尺青

妙法二品大王素愛牡丹多栽園中其品之最  
逸者二種紅者曰御幸紅白者曰深山木命僕  
賦詩曰獻鄙律二章云

滿苑牡丹栽作疇就中御幸品殊尤絳英灼灼看偏  
好衆卉紛紛誰更儔染得未乾紅幾入開時如見炬  
三頭天威咫尺不相愧姚魏應知是俗流右詠御幸紅  
帝子置園華頂陽分栽奇品自天潢仙姿宜在無塵  
境國色從來不斷香比並猶嫌言親國相依誰復認  
何郎憐他龍府探珠者肯信人間有夜光右詠深山木白  
落花  
一穗黃雲春向晚花涵簾影午陰長將飛且待微風  
度已落猶留曉露香時墜錦茵彼有命去隨流水本  
無常閑人盡日管閑事片片數來據矮床



然運生... 世... 藏

悼刑部藤尚書

從三位刑部卿藤原貞維卿天賦質實恭謙明敏嘗信吾先人之道力學有年在三元祿寶永之間密陪經惟文學行義挺然乎措紳之中今茲辛卯五月九日罹疾而終壽四十四又四浮屠氏立號曰懷德院觀志意吾道實失所依賴不堪感愴奠以一章云

嘗位秋官古九卿幾年密勿弼承予好書何問有無計下士不將門地榮名姓豈隨寒草朽英靈須與列星明辱知廿歲一朝夢東岳愁雲無限情

客歲之秋携弟遊小松莊賦詩德山侯辱賜高和意趣清高難遽奉答漫裁一章以謝云

思嘗一杖趁新涼携弟逍遙予氏莊掩屋長松張翠

蓋傍階修竹媚殘陽風煙偏引文詞客山水元非名利場豈意俚歌播東地一篇清倡下梨堂

讀漢高祖紀

四海風塵孰復清獨提三尺致承平交龍雲氣何堪異從諫知人最見明唯約三章臨兆庶却將六籍附儒生斷蛇扛鼎豈相劣大度能基帝業成

中秋鴨河水亭賞月伊勢人福島喜早兩生招可昌及僕三數輩賞月

表渚庾樓迹已陳清風明月興猶新寸雲不作眼中翳好句無非席上珍臨水檻浮秋意冷面山亭與夕嵐隣佳期幸賴他鄉客免使騷盟負此身



落葉

吳江秋冷渚雲空夜夜清霜夜夜風客袖冷時山始  
瘦僧鞋濕處徑繞通梢頭嘗和紅花媚竈底今將宿  
火紅休向御溝流水接艷詞恐有自深宮

次喜早詞伯見示韻

鹵莽何曾資黷蒙獎譽叨愧極推崇芳流千載唯由  
我才倒三江孰敵公東海舊廬眠夜雨長安客舍滯  
秋風羨君歲月尚多在莫曠後來造就功

次鶴溪詞伯見示韻

多年契闊復相遇驚見詞華筆底香身逗九重雲靄

靄竟馳二見海茫茫詩成秋院荳花白夢斷京山木  
葉黃千里來訪應有意詩書宿好不尋常

九月十三夜僧院玩月

千古宸遊成故事今宵寶地又登樓明暉不是尋常  
月高興如同三五秋象緯影收黃道近笙歌聲凝碧  
雲愁歸依誰把李翱比文字禪中對貫休

冬初次奉木鐘老丈見

十月廿一日

雪月風花三十年依然霜菊弄餘妍初知孤悶遭茶  
破未解天真為酒全數尺明窓新結構半宵翰墨奮  
回緣清閒相遇輸肝肺宦路從來勞獨賢



輪王寺宮高駕東歸詩以奉餞 戊戌十月廿七日高駕祭程

輦下清閒葛已裘那堪今日錢華輶天然圖書隨行  
處吟次溪山送幾州嘗接綺筵逢皎已又看扈駕有  
枚鄒欲攀高躡攬奇秀世故使人不自由

國井生修業在塾二年聞弟將婚遂歸省 戊戌

海上有人來逐臭浩然匹馬促歸裝興懷不為鱸魚  
美樂事偏思鴻雁行關外風烟過十月洛中書劍未  
三霜買臣當日亦何意苦待錦衣回故鄉

南山詞伯抱病退隱于洛市頃和拙韻見寄再  
和謝之 壬辰

塵中晦迹伴芸香不傍清流不枕岡半徑開花無俗  
客十年多病抄竒方豪情應似青蓮李險語出於山  
谷黃杖屨適時幸相過宅臨洛水一條長

寄題愛蘭堂

泉州岸和田鎮儒官三宅翁所居正堂曰愛蘭客歲三韓行人來聘令子石屏滄溟賢伯仲膺詞翰接對之任托其詞客求篇章以侈之亦廣求于知友予未遂識荊介人而見徵漫賦一律以寄呈云

夙卜家聲奕葉芳銀鈎高揭愛蘭堂清標不為無人  
變祥地從來有國香洛社交用傳偉軌鷄林詞客服  
妍章何時痛飲花開日會誦楚些俱二方



蘇東坡先生文集 卷之五十五 世義堂藏

春初雪霽出遊歸途口占

裘帽涉旬慵啟扉孤筇今日趁熹微竹西一路雪猶  
白雲外千峰雁未歸漸近郭來人擾擾獨尋村處意  
依依經冬徑草青青在此地偏知車馬稀

老馬

雕鞍卸却鹽車困瘦骨如峯歲月深首舊當年沙苑  
暮清波何日渭川尋懸軍嘗動二師役伏櫪徒懷千  
里心世上而今無管仲拈箕噉罷北風凜

廢宅 壬辰秋

菰蒲埋沼草封徑秋月春花幾局新淚灑池臺嘗到

客恨餘絃管暫時身而今白荻丹楓晚伊昔珠簾翠  
幙春代謝糾繩從古爾良策豈無遺後人

北村丈人稽古多年向者接韓使詞翰敏妙事

聞于內

上皇賜藥劑及物若干褒其薦學因賦賀詞一章

以述士林之榮 云 七月

幾年高尚不求名滿架奇書癖已成清苦能令妻子  
化博聞更見使臣驚人間隱德四聰近天上殊恩三  
錫榮自是何嗟頭種種囊中有藥解長生

初冬過安東斯文僑居

蘇東坡先生文集 卷之五十五 世義堂藏



鳳欽乃祖業文逸書問往來五十年萬軸森森存世  
澤三餘矻矻對先賢松榆千里長雲外輦轂一區深  
語邊殘菊籬頭應笑我晚窓醉困擁衾眠

初奉陪妙法大王積翠園遊

東阜松筠宜晚秋梁園偶值引枚鄒嗟乎亭豁雙明  
遠積翠池寒別館幽意適不知陪綺席興酣又想泛  
華舟三春花柳三冬雪勝踐應無不好遊

寒夜偶作

拋了殘書行幾許故人邂逅雨還晴霏談偏自夜長  
熟寒力知回酒冽輕天與閑人專雅興誰將清福換

浮榮梅花消息應不遠窓外蕭蕭將雪聲

讀書燈

照盡陳人千古情圖書一榻每三更詩成時寫岸巾  
影花落不緣棋子聲涼夜誰求螢爝力寒宵自勝雪  
光明十年對爾作何事懶祭衲皮送此生

歲晚芸菴老丈宅同賦詩

至後光陰未覺遲閒中文字好相隨北山晴雪照吟  
鬢南舍踈梅落酒卮鄴架抽來翻閣帖吳牋展處抄  
宮詞人間榮替吐嗟頃閱盡又裁歲晚詩

古戰場



此地嘗聞漲戰塵，黃茅目盡渺無垠。雨餘洲嘴遺  
鏃天，黑郊頭見走燐。當日鶴鷺何處認，只今草木逐  
年新。口碑徒爾傳成敗，多少忠魂未白人。

觀落葉有感

青紅綠碧幾時榮，暮地千村霜氣清。點水猶看片片  
泛，含風忍聽蕭蕭聲。色將雙鬢欲俱變，影比孤身孰  
是輕。不管幽人嘆搖落，又和寒日下高城。

宜齋丈席上次韻

白日不求生羽翼，翰團團且好坐更闌。世間難得是清  
福，人事唯須知大觀。竹葉多情勸晚醉，梅花消息屬

初寒。算來文字十年契，况復通家繼舊歡。

聞雁有感

影入雲衢排一行，攬峰向晚佛頭蒼。夢餘宵柝孤臣  
淚，裁罷寒衣思婦腸。辭去春花猶昨日，到時秋葉又  
新霜。長繩繫日元無術，徒使汝曹來往忙。

春日言志

掃軌兼旬靜炷香，兒童促我涉東岡。高明之室屬閑  
物，清省於人是妙方。短草烟波蕨堪摘，晴波沙岸柳  
初黃。一壺一鉢無官禁，共樂乾坤化日長。

落花

戊戌



谷口餘春欲暮，天花飛不管。送流年，時隨狂絮掠遊  
舫。仍帶嬌紅，上舞筵。鶯鶯啣殘珠，錯落馬蹄香散。鐵  
連錢，艷竟何處更招得雲鎖。虛無縹緲巔。

御醫二松軒主人兒君年登七袞，令嗣英貞開  
筵奉壽。旁徵四方詩，以侈其事。予亦與焉為  
賦，一律以寓祝壽之意。云爾。

七袞又開初度筵，二松影裏伴飛僊。金尊潑灑春如  
海，彩筆縱橫日似年。甘雨將晴栽藥圃，條風時拂養  
花天堂。前幸有克家子，會見萬斯瓜。徙綿。

輪王親王館奉呈  
六月十六日

本分玉牒承皇胤，長入空門作主盟。仙馭遙驅千里  
路，寶輿暫寄九重城。芳聲當日騰王画，遺響他年子  
晉笙。此處宜引詩賦，客偏知風月屬雙清。

自膳所歸和挂記室見眎諸弟韻  
八月素濤單舸奔，壯遊不是問河源。天圍巨浸受千  
壑，巖洩急流開一門。歸鳥戀林如有約，錦鱗透網豈  
由恩。胸吞雲夢君家事，濃抹淡粧不暇論。

奠北村文英墓

長在清時做逸民，放言混迹九衢塵。胸中丘壑幾千  
首，燈下丹鉛五十春。名重朝紳虛左日，恩覃雨露自



天辰奮遊多化東山土又見新墳掩故人

關氏席上作癸巳

回頭朝市事如麻幸會幽齋試綠芽雅集相逢常筆  
研新詩無句不烟霞誰知真樂閑中得莫使光陰忙  
裏過春物從斯應日好漸看燕影拂簷牙

癸巳四月論語古義刻成嗣奎文主人韻酬謝

斯文那復隔西東木鐸千年日再中注述不知辨昏  
旭討論豈為決雌雄偏欣壽木初成志自愧負薪難  
見功手澤青氈將十載派傳自是祝無窮

題畫竹

漢川修竹綠如蒲誰把數竿入畫圖妙手素知文與  
可直風應比汲長孺虛心不厭為霜碎特立何須將  
物扶底事徂徠後彫叟枉被秦皇爵大夫

夏日雪溪氏客舍席上平賦

名路利關何愛羈一身隨處只唔咿喚譚半日情初  
適離索三年詩益奇遠舍風篁時解籜誰家廬榻摘  
和枝騷人休恨春歸去溪月林楓堪可期

壽坂口老人八十八

春水堂人坂口老丈今茲齡登八十八又八是  
日隨俗設米年壽席子亦與焉向者應  
院宣書米壽二字褒賚優渥  
王又賜壽詞榮遇之至因賀以一律云



七旬自古寡比倫，經盡還添十，八春令子一堂甘，旨足親用滿，坐豆觴陳，竹園翰墨龍蛇動，德壽恩榮雨露新，父執之中君獨在，竹歌何復後諸人。

癸巳中秋秋興堂觀月

又逢三五赴賞期，明月於人一段奇，碧落雲收雁陣亂，寒叢露白虫聲悲，松間佳寺方推枕，湖上短篷誰賦詩，屢屢呼茶歸，意動半宵微，醉始醒時。

詠菊

南山對罷事千年，依舊金英露下鮮，未許遊蜂戲蝶到，只將青女素娥妍，繁枝剔去令花大，細竹扶來幾

徑連也，怕秋光看且老，東籬自是倍蕭然。

晚秋即興

來燕去鴻不肯休，又令寒杵喚新愁，清霜紫菊猶堪摘，紅樹晴峰應可遊，玄晏有書長滿架，仲宣多事只登樓，誰將詩景寄毫素，觸目烟嵐一幅秋。

冬日即事

巖風昨夜撼階松，已看西山白數峯，旋買新綿添舊絮，又糊薄紙卓明窗，對燈往事有時感，披卷好人到處逢，蘿藤上場寒氣早，不妨咬得涉三冬。

竹影



賞枕清漪換僊骨，又臨古菱覺多情。雙棲禽語月初上，隣館碁聲燈尚明。委地休言金瑣碎，落階如聽玉玲瓏。不須苦倩坡翁手，半壁精神太瘦生。

戲分劉後村八老題同賦予得老兵

嫖姚麾下盡精兵，知是當時第幾名。百戰場中輕萬死，半間屋裏守殘生。不從張俊求回易，俄看狄青蒙寵榮。也怕向人譚往事，弓刀雪滿出長城。

鏡中梅影

冰肌當日伴何郎，影破一匳金背光。花向水晶宮裏誤，人從雲母屏前望。孤鸞弄翅無顏色，遊鳥窺窗問

暗香笑殺含章人，去後鉛華猶學壽陽粧。

觀花

甲午上巳後  
四日開氏宅

不是天門觀化人，軟紅開處此逡巡。一觴一詠曾遊寺，飛絮飛花欲暮春。雲擁山樓絃管沸，林圍翠幙綺羅新。奈何蝸角日相迫，未許羲皇上世民。

積翠園觀花

三月八日公慶  
正潭元隨同到

梁園亭子俯迴塘，池大如湖舟可方。翰墨風流皆熟客，鶯花世界豈他鄉。板橋積水人行盡，芳樹春雲酒滿觴。冗裏難逢間半日，勝遊不負日初長。

三適堂偶懷得隨字



短褐怯寒親酒卮溪山已及早花時春蔬旋試伊蒲  
味夜鼎初嘗陽羨竒朝市尋常間不得乾坤三尺鎮  
相隨書生事業亦堪笑文字等身欲為誰

緒方老丈七袞壽

四月廿九日

絳老年高未問衰玄論竒筆世相推金蘭之友交常  
熟瓜葛於予蒙不遺壽擬南山千古色人歌天保九  
如詞絲衣幸有肯堂在詩禮家庭教可知

贈寶所師歸台麓

猶嫌幽寺接塵寰孤錫翩然臥故山白月禪心台嶠  
麓蒼波魚樂太湖灣浪僊馬上推敲手陶令譚中醕

酈顏觸目風光應可掬琴書早晚扣松關

送辻生赴因州

辻生通仕籍將赴因州臨別馬一語比來忽  
忽不遑起草為臚一律以贈之餘俟續寄

路入山陰接朔方鯨波泛盡又羊腸桑孤從古男兒  
志衣錦何為時世粧百里絃誥真樂出半牕燈火向  
新涼詩書元是君家物到底須期千載芳

甲午中秋積翠池泛舟賞月

林風吹斷簷間雨山月碾升松頂光棹破金波舟蕩  
漾樓含灑氣樹蒼茫明河脉脉欲無影丹桂紛紛覺  
有香今夜將何酬逸興莫辭綠醕滿瑤觴



酬香川詞宗聞予登天台見寄

秋霽雲收碧落空，瘦藤交影涉龍從。仙家日月九州表，佛寺金銀萬木中。旋煮山肴隨意啜，時賒村酒借顏紅。黃精紫朮無人採，荷鋪雨餘伴董公。

訪公慶師山科幽居六月

踏破牛山一片雲，暫來竹院借南薰。滿園只有蟬聲爽，四壁更無人語聞。蕭寺樓臺峰欲近，古陵松柏路難分。世間榮辱慵揮麈，又逐歸鷗入夕曛。

蘭化齋即席十月三日圓院同可昌

千里溪山斷送秋，星寒旋襲木綿裘。舊詩抹去愧黃

口退筆束成促白頭，菊倒雨邊餘箇箇。松高風處報颼颼，告君休問門前客。世路尋常夢頓侯。

甲午十月初一日會飲牛山翁醫仙堂賞菊

屈指廿年翰墨盟，盃簪又喜伴陶生。土墻殘日影初薄，碧瓦新霜氣轉清。彫紫漸堪胎布枕，落英猶可泛金甃。誰言一夜秋香歇，剩有東籬未盡情。

晚秋遊高野

甲午之秋九月七日同薦所携準堅二弟遊高野邑寶幢寺少時嘗從先人到此今已三十餘年矣邑山上有小野毛人朝臣古墓云

卅年踪迹隔林扃，前度劉郎不負盟。人去佳城餘劍佩，僧殘蕭寺轉金經。丹楓霜後秋將盡，紅蓼沙頭雨



乍晴綠髮忽驚今種種層峯只恁遠村青

送土府醫負匹田草胤歸

客氈未暖忽黯然縹緲雲烟挂海天東魯文章新事業南方草木別山川柳條霜重不堪折梅葉春隣可覓妍今日臨歧何所寄葫蘆依樣寫成篇

籍沒宅

誰知富本不如貧竒福從來與禍隣百計家肥金至斗一朝機羨象焚身多年花石誇竒品幾指奴婢屬別人門帖揭來爭聚看盧生枕上夢初新

壽良山藤先生六表

戊戌三月十五日

聞說當年蘧伯玉行年六十化年年長生何借偷苑術濟世爭傳種杏仙花氣釀成紅酒滴霞光奪得錦箋連更將底事為君壽莊誦九如天保篇

紅梅

江南別種百花魁絳雪壓枝簇簇開不分桃夭漫自矜可堪杏艷競相催冰肌何受紅塵浣霞彩應從赤縣來恨殺孤山林處士品題底事有遺材

積翠園賜觀牡丹

四月四日與心淳歸

翠幙珠簾十日晴牡丹時節惱人情一枝染就紅絹濕數徑消殘雪片輕群玉山頭嘗會見天彭譜外別



傳名梁園詞客，絲如鬢，午醉醒來，眼特明。

對書燈 乙未

嘗隨綺席映瑤笙，永夜鷄窓二尺檠。徹去時逢山月，  
上別來不厭曉鐘鳴。碎花落几微成暈，孤焰怯風耿  
自明。怜殺飛蛾緣介斃，韜光好照讀書聲。

贈真山詞伯東行

騷壇多歲執牛耳，榮路新休問馬曹。華岳清遊嘗幾  
共，補陀勝境豈辞勞。溪花媚日欹烏帽，村酒留人繫  
寶刀。行盡長亭詩始就，驛雲低處縣樓高。

香川醫丈賦還，竟紙見示予，亦效顰賦一律事。

見天工開物

襞積盈筐太史連，蠹殘塵沒轉多年。已還當日簿書  
責，未了前生字。緣幾局悲歡，和墨散一般。精采向  
人妍，從來化腐憑良手。何假九華帳裡烟。

夏日遊西郊東陽軒予廿年前嘗來此 乙未五月廿一日是日夏至

幽處徑通掩竹扉，鳴禽自在遠林飛。短筇久矣吾嘗  
到，一字依然人已非。南燭花開梅雨過，東陽軒豁午  
風微。四時今日日尤永，獨聽昏鐘不肯歸。

四月廿二日同桂川兄拉門生舍弟等展墓遂  
憇于大堰川畔時雨後山泉暴漲是日又值里社



四尺鬣封依寂寥故人携手陟山椒半巖雪瀑松巔  
落一道紺寒天未消到處風爐依水店幾羣袂服咽  
平橋上游勝槩心期久擬共窮源買小艘

劍

夜夜龍光于斗牛老奸膽落妖魑愁暗投明月人先  
按虛刻行舟誰復求舞罷楚軍餘俠氣請頻漢殿擬  
佞頭那為漫授倒持柄賣却吾從沮溺耰

森下生宅卒賦

五月八日

叢樹天低虛閣開幽扉待客遠紅埃雲摩塢穎寺遙  
見風破林霏雨又來未許朱簾宜暮捲只憑青嶂喚

詩催夙知文采二方在不厭興來盡一盃

直山夜雨不寐得一聯速明足成  
六牒屏風八尺牀簷溜滴滴伴更長枕頭數盡聲聲  
析爐底焚餘縷縷香舊事上心非復夢靜中得句未  
成章酪奴為祟魚如眼明發初能到睡鄉

秋興

岑堯觀闕白雲連極目秋容慘淡天滄海渺茫浮一  
粟江山重疊送千年暝禽和葉投平楚晚稻畏風棲  
野田未許潘郎能作賦故人相對酒如泉

中秋秋興堂玩月



今宵何處惹人情，十笏松檐三五晴。纔放清輝雲乍  
破，旋添寒色露還明。林間小酌嫌盃淺，席上新詩拈  
筆成。開口從來無幾日，不妨斗轉又參橫。

寄三河雲林亭

六鼇山湧海之濤，勝處一亭託賞音。屋宇高低臨大  
路，烟霞縹緲接平林。支頤有客搜新句，決些和雲送  
暮禽。圖畫寫來千里寄，令人對此憶幽尋。

題西湖湖心亭圖次琉球程順則韻

逋仙高搗輝青史，坡老遺蹤餘翠屏。三笠烟嵐山向  
曙，十年海客眼長青。飛軒倒影湖心聳，畫舸和人岸

際停。幻出西湖真面目，苦吟一夜酒初醒。

送弘齋翁赴信州飯田鎮

青燈夜雨幾秋春，是日翩然去問津。滿店楊花送千  
里，一肩書史伴孤身。入雲危棧望仍遠，當道甘泉飲  
更新。朱紫於人彼有命，好將絃誦化斯人。

孤雲

青冥遼廓望無垠，仙袂裁餘一片新。出岫元無根蒂，  
著影池初與藻荇親。高風將去摩鶴背，尤早未曾點  
魚鱗。孤飛不入襄王夢，來伴思鄉千里人。

一園



青蔓帶花過北隣，一園秋色坐來新。  
輕羅扇破未肯收，篔簹侵織聲寒已近人。  
牛下有誰歌白石，馬頭無路避緇塵。  
承平時節米如玉，今日行藏孰是真。

正月十日次了堂和尚見寄韻

丙申

來牛去馬人如織，遙想寶坊離世氣。  
樹尾銅鈺懸旭日，峰腰匹練遠寒雲。  
喜看四韻由三上，已是九春過一分。  
聞說淨名方抱疾，室中誰復扣玄文。

心德丙申端月疊和了堂和尚見眎高韻

身住白雲巖際寺，鄽中息影冒埃氛。  
楮衾猶卧三竿日，葦戶時飛五朵雲。  
輦下春從花柳動，上方路入彩

霞分近來功課若相問，朱墨等閒修舊文。

贈牛山赴豐府

臨海高樓杰水涯，帆檣風便祭神鷗。  
龍光遙識豐城劍，丹井欲求勾漏沙。  
一舫琴書未載鶴，幾肩行李唯移花。  
何年吾儻乘桴志，紅杏花邊尋董家。

奉謝德山江侯因弟長英詣府之次以紙墨茶

瓷等物寄賜予及諸弟

使君好古禮韋帶，餘愛猶存五弟兄。  
一簇嶼雲春樹遠，半輪海日暮潮平。  
縹瓷貯茶分佳客，淨几拂塵聘墨卿。  
又逢楮生面相熟，幽窓題句眼偏明。



丙申三月廿六日遊宇治迫暮而歸臥見宿于

穗積翁之宅

照載元總及準弟同遊

遙見茅茨帶翠微，片雲落地意依依。春餘茶戶漸催  
摘，齋罷柴門遇獨歸。金刹凌風雙鳳舞，彩橋泛影斷  
虹飛。千年義氣九京下，扇樣石欄對夕暉。

上光祿大夫朴所藤公嘗蒙許序先集詩以奉

從

妙齡嘗著祖生鞭，黃卷優游四十年。倬直頻歸仙仗，  
外捲班且惹御爐煙。清時未肯投簪紱，小築早知依  
澗泉。願賴吹噓表先德，從來燕許筆如椽。

奉挽准三宮大明宮

人間英器帝家親，雙樹影涼塵外身。翰墨清歡事如  
昨，池臺遺構趣猶新。華軒幾冒二荒雪，金錫遙飛三  
塔春。一夜驚回桑字夢，子規啼罷雨聲頻。

長信秋思

日聽羊車輾過聲，墻腰三尺土花明。後庭新曲未諳  
譜，別院恩榮始識名。繡罷綺窓螢火入，夢醒金井輓  
轡鳴。欲將秋思題紅葉，滿袖淒風不耐清。

藝府谷崎中齋翁告老上築其府東南肱山之

下扁曰洗心亭曰同僚堀君見徵鄙詩仍賦一



律以寓遐想之情云

幕府多年歸去來，洗心亭上且徘徊。好詩時自鷗邊得，小畫巧將鷁首開。香火近望天女，鳴舳艫遙接霸家臺。幸分一榻期何日，臨水登山意未灰。

次熊陽道兄見寄弟長堅韻

龍城山水馳清夢，物外汗漫未可期。孤劍中宵供倚醉，雙魚千里寄相思。夙聲今日憑誰振，才調如君舉世知。書記翩翩休告困，扶搖翼怒九天垂。

豐公故壘

馬上功成鎮一方，蒸沙當日擬金湯。風雲猶見旌旗

色林莽不驚鴻雁行，遼海艤衝初叱咤。陀峯松栢忽淒涼，湖山龍戰杳無迹。今古澄江一帶蒼。

我阜懷古

化城湧出倚崇阿，芒屨茶爐幾次過。玉輦春風花鳥恨，羅衣秋露草虫多。三船豪興人俱醉，百首舊題名不磨。祖塋猶傳宋時物，更無文字可摩挲。

朴所藤公賜和拙韻再和奉酬

松墮枯筴引鞭百弓閑，苑幾多年軒轍平。野秋深月凶，尊北山雨後，煙當世無倫心。若水滿堂有客酒，如泉卜居不用問蒼尹。欲接芳隣搆數椽。



贈山中僧

萬木森森誰與鄰，  
倚然古屋倚嶙峋。  
千成巖角襯趺坐，  
鑿破岷腰龕佛身。  
鳥下生臺初卓午，  
花飄法座送殘春。  
引弓架箭住來久，  
射得世間多少人。

中秋緒方老丈席賞月同薦所翁賦詩

淫雨沙旬怯葛衣，  
滕遊幸得值清暉。  
半天爽氣星河淡，  
萬里金飈鳥鵲飛。  
耆舊二公唯健在，  
騷盟一夜又相依。  
主人文字素成癖，  
不許無詩取次歸。

積翠園賞菊

九月廿四日

秋霽催人携錦囊，  
午鷄初到菩提坊。  
亭開面面皆山色，  
欄護畦畦有菊芳。  
逸品應分天上種，  
奇芬不似世間香。  
又看老樹報霜信，  
句法安排立夕陽。

南遷吊古

黃屋南奔王氣分，  
峰巒重疊駐孤軍。  
中原戈甲無清日，  
北闕鐘簾只白雲。  
神器那能祚衰運，  
薰人誰復谷殊勲。  
漁郎不識興亡事，  
一擢刺過箕水濱。

寒月

搖落猶憐月有陰，  
幽牕八尺對寒林。  
雪晴千嶂明相射，  
冰破半池影始沈。  
呵筆欲和疎竹寫，  
岸巾誰倚小梅吟。  
俗兒不解風流趣，  
錦帳羊羹醉夜深。



春初藤宜齋丈小集見脉回賦一律丁酉正月十三日  
故舊相逢不世情新詩投我大清生小梅臨戶未曾  
白微霰落階初有聲三越風烟開北陸滿江波浪動  
春城好將文史佐藩府四海而今仰化成

春日遊我山厭離菴

幽墅近隣般若臺暄風山面向人開半溪松露尋君  
到一屋茶烟待我來影滅鴻邊春不住花飛鏡裡老  
相催世間誰是鎮如意好為陶生澆一盃

夏日江村

語燕新巢風日妍江干岸幘思無邊數家烟火雞鳴

樹滿棹清漪人在船楚客千年詞賦在鷓夷一船姓  
名傳不堪盡取為君贈今古丹青欠自然

丁酉中秋值雨秋興堂次主人和詞末字為句  
一檐踈雨桂花寒滿目蕭條人倚欄雙屐雖然負佳  
節孤燈猶耐伴清歡十年舊話俱青眼半庭幽香有  
紫蘭郢曲寫來真絕調不妨燈下夜深看

秋聲

月落陰風萬木聲那堪宵柝促天明孤蛩露下棲難  
穩斷雁雲衢徒自驚霜杵搗殘千戶夢玉笛吹徹一  
川橫直從宋玉賦成後更令幾人訴不平



紹述先生文集 卷之二十五 鐘聲

鐘聲

敲落滿天星斗紛征夫馬上不堪聞悠揚嘗報東林  
晚聯絡遙穿長樂雲數杵遞晴松外動一聲殘夜枕  
邊分從教撞破高唐夢又恐傳巖感聖君

尋梅

玉色依然殘夢中覺來琴僕任西東望迷野徑蕭蕭  
竹香遠前村陣陣風疎影向高誰繼響清商聲動恨  
無窮此間應待知音到孤鶴踰蹊盤碧空

紹述先生文集卷之二十五 終



